

UGOVOR

između

JAVNE USTANOVE HISTORIJSKI ARHIV SARAJEVO, Alipašina 19, Sarajevo, kojeg zastupa Haris Zaimović, direktor (u daljem tekstu, naručilac)

Identifikacijski broj 4200236860004 ,

JRT Kantona Sarajevo , broj 1411965320008475 kod BBI banke.

i

COSPEX d.o.o. Zenica kojeg zastupa Larisa Redžepović, direktorica (u daljem tekstu: izvršilac), Identifikacijski broj 4218991860002 , PDV broj 218991860002

Transakcijski račun, broj 1610000193140009 kod Raiffeisen banke.

I OPĆE ODREDBE

Član 1.

- (1) Na osnovu Zakona o javnim nabavkama („Službeni glasnik BiH“ broj 39/14), Obavještenja o nabavci, broj 13285-7-3-15-3-1/21 od 05.11.2021.godine , Ispravke obavještenja, broj 13285-7-3-15-8-2/21 od 12.11.2021.godine, Tenderske dokumentacije, broj 02-2436-2/21 od 05.11.2021.godine i Izmjene Tenderske dokumentacije, broj 02-2436-8/21 od 12.11.2021. godine za javnu nabavku „Nabavka radova i roba za sanaciju i rekonstrukciju objekta Historijskog arhiva Sarajevo u ulici Čadordžina 90“ za LOT 2 -- „*Demontaža postojećih prozora i vrata i ugradnja novih na zgradi depoa, Čadordžina 90, Historijskog arhiva Sarajevo*“, objavljene na portalu javnih nabavki dana 05.11. i 12.11.2021. godine proveden je Konkurentski postupak. Izvršilac je dostavio Ponudu, broj 02-2551-1/21 od 19.11.2021. godine koja je sastavni dio ovog Ugovora. Dostavljena Ponuda u potpunosti odgovara specifikacijama iz tenderske dokumentacije koje su sastavni dio ovog Ugovora.
- (2) Nakon početne ocjene dostavljenih ponuda, a u skladu sa odredbama tenderske dokumentacije, provedena je procedura “E-aukcije u informacionom sistemu “E-nabavke” dana 29.11.2021. godine.
- (3) Naručilac je na osnovu ponude Izvršioca provedene „E-aukcije“ i Odluke o izboru najpovoljnijeg ponuđača izabrao Izvršioca za „*Demontaža postojećih prozora i vrata i ugradnja novih na zgradi depoa, Čadordžina 90, Historijskog arhiva Sarajevo*“, a koja je predmet ovog Ugovora.

II PREDMET UGOVORA

Član 2.

Predmet Ugovora je „*Demontaža postojećih prozora i vrata i ugradnja novih na zgradi depoa, Čadordžina 90, Historijskog arhiva Sarajevo*“, a nakon okončanog konkurentskog postupka javne nabavke radova, prema ponudi, broj 02-2551-1/21 od 19.11.2021.godine i Odluci o rezultatima okončanog postupka nabavke, broj 02-2436-16/21 od 30.11.2021. godine.

III VRIJEDNOST UGOVORA, CIJENE I NAČIN PLAĆANJA

Član 3.

- (1) Ukupna vrijednost nabavke radova i roba koja je predmet nabavke za predloženi Ugovor, nakon provedenog konkurentskog postupka iznosi:

Iznos bez PDV-a	12.500, 00 KM
Iznos PDV-a 17%	2.125, 00 KM
UKUPNO SA PDV-om	14.625, 00 KM

slovima (četnaest hiljada šeststotinadvadesetpet i 00/100 KM).

- (2) Početna cijena za radove i robe koja je predmet ovog ugovora u iznosu od 17.955,90 KM bez PDV-a, nakon održane e-aukcije, umanjena je za 30,38 %. U vezi sa prethodnim, jedinične cijene stavki iz obrasca za cijenu ponude - radovi i robe, umanjene su za isti procenat. Umanjenje za isti procenat stavki iz obrasca za cijenu ponude, prikazano je u dokumentu Naručioca "Obrazac za cijenu ponude nakon provedene e-aukcije", a isti je prilog ovog Ugovora.
- (3) Naručilac će izvršiti plaćanje izvršiocu na transakcijski račun izvršioca koji je otvoren kod Raiffeisen banke.
- (4) Naručilac se obavezuje da će za izvršeni rad i robu izvršiocu platiti cijenu iz Ponude.
- (5) Izvršilac se obavezuje da u toku ugovornog perioda neće doći do promjene cijena iskazanih u ponudi osim u slučaju izmjene zakonskih propisa.
- (6) Ugovorni organ prihvata u cjelosti uslove plaćanja koje je dao u ponudi i to – plaćanje ne duže od 30 (trideset) dana od dana izvršenja radova, odnosno isporuke robe a što je predmet ovog ugovora.

IV KVANTITATIVNI I KVALITATIVNI PRIJEM

Član 4.

- (1) Nabavka radova i roba „*Demontaža postojećih prozora i vrata i ugradnja novih na zgradi depoa, Čadordžina 90, Historijskog arhiva Sarajevo*“, će se vršiti u depo prostoru Naručioca, Čadordžina 90.
- (2) Ovlašteno lice od strane naručioca izvršit će kvantitativni i kvalitativni prijem radova i roba, te svojim potpisom na otpremnici potvrditi isti.
- (3) U slučaju kvalitativnih i kvantitativnih nedostataka na isporučenim robama te obavljenim radovima predstavnik Izvršioca i ovlašteno lice od strane Naručioca će o tome sačiniti zajedničku pismenu zabilješku i obostrano je potpisati u cilju obaveznog otklanjanja uočenih nedostataka.

V OBAVEZE IZVRŠIOCA

Član 5.

Izvršilac se obavezuje da će izvršeni radovi i montirana roba biti u skladu sa opisom i kvalitetom koji je ponuđen u prihvaćenoj ponudi.

VI GARANCIJA

Član 6.

(1) Garantni rok za izvršene radove je 12 mjeseci od dana ugradnje uz uslov pravilnog održavanja i korištenja. Mehanička oštećenja i oštećenja nastala nestručnim rukovanjem ne podliježu garanciji.

(2) Izvršilac se obavezuje da će u garantnom roku po pozivu Naručioca, a u roku koji ne može biti duži od petnaest dana sve nedostatke na obavljenim radovima i robi koji su uzrokovani skrivenim manama i propustima Proizvođača i Izvršioca i koji podliježu uslovima garancije, otkloniti o svom trošku.

Član 7.

Ako se u slučaju više sile, potpuno ili djelimično spriječi izvršenje obaveze po ovom ugovoru, ugovorna strana kod koje je nastupila viša sila je obavezna da obavijesti drugu stranu o odlaganju ili raskidu ugovornih obaveza u roku od 7 dana od momenta nastanka više sile.

VII RASKID UGOVORA

Član 8.

Naručilac može raskinuti Ugovor i aktivirati garanciju za dobro izvršenje ugovora u slijedećim slučajevima:

- ukoliko se Izvršilac ne pridržava ugovoreni obaveza, odnosno ukoliko grubo krši odredbe ugovora.
- ako Izvršilac ne ispunjava svoje obaveze u skladu sa dinamičkim planom,
- ukoliko kvalitet radova i roba nije u skladu sa tehničkim propisima,
- ako Izvršilac ne obavi radove, isporuči i ne montira robu u predviđenom roku, izuzev ako je za odstupanje data pismena saglasnost nadzornog organa,
- ako Izvršilac nekvalitetno vrši montažu i ne izvršava poslove po nalogu nadzornog organa,
- ukoliko poslove ustupi drugoj firmi ili podugovaraču poslova bez saglasnosti Naručioca.

VIII ZAVRŠNE ODREDBE

Član 9.

Ugovorne strane su saglasne da za sve što nije precizirano ovim ugovorom vrijede odredbe Zakona o obligacionim odnosima.

Član 10.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja. Ugovorne strane su saglasne da je u slučaju eventualnog spora po ovom Ugovoru nadležan Općinski sud u Sarajevu.

Član 11.

Ugovor je sačinjen u četiri (4) istovjetna primjerka od kojih svaka strana zadržava po dva.

Član 12.

- (1) Ovaj ugovor stupa na snagu danom obostranog potpisivanja od strane ovlaštenih lica ugovornih strana.
- (2) Prilozi ovog ugovora su dijelovi ponude ponuđača: Obrazac za ponudu, Obrazac za cijenu ponude, te dokument Naručioca Obrazac za cijenu ponude nakon provedene aukcije.

ZA IZVRŠIOCA
Po ovlaštenju DIREKTORICE
Redžepović

Redžepović
ihić

Ovlaštenje 1/21-4
od 10.12.2021.

Broj: 51-12/21
Sarajevo, 13.12.2021.



Broj:02-2436-19/21
Sarajevo, 13.12.2021. godine